

建寧縣志卷之六

祀典

祀而曰典與淫祀異一邑雖小典禮不廢故自神祇以迄人鬼皆有祭祀備物致敬示民有尊以崇德也稱情立文示民不遺以廣仁也安神道於幽即所以凜人道於明祀典之設大矣哉記曰精明之至然後可以交神明自非通幽明之故孰能測其微乎至其禮儀則會典有書胥吏能述茲不贅志祀典

先農壇在將屯風教祠側置藉田五畝壇後建正房三間配房各一間正房中間供奉先農神牌東間收貯祭器農具西間收貯藉田米穀配房東間置辦祭品西間令看守農民居住壇廟藉田之外周圍築土為牆開門南向久廢

社稷壇在北門外清順治初定每歲春秋仲月上戊日致祭

神祇壇在水南祀風雲雷雨山川城隍二神歲春秋仲月諏吉致祭按左傳龍見而雩杜預曰雩之為言遠也遠為百穀

祈膏雨也月令仲夏命百縣雩祀鄭康成曰雩者吁也吁嗟而請雨也蓋盛德在火昏亢正中多暘少雨倘必待旱太甚而始祈之晚矣乾隆十一年勅部頒行常雩令擇日于孟夏之始上冀陰雨之膏下禱水泉之通較周之國旱乃率巫而起舞不更豫以周乎况建邑田多高燥遵功令而先行之亦農政之一端也

厲壇在北郊外隔溪黃洲嶺每歲三月寒食節七月望日十月朔日致祭至日奉城隍神位入

建寧縣志

卷之六

祀典

壇

神農廟在水南羊背墩花門樓嘉慶二十三年邑紳募建光緒十四年里人王紹文吳德光徐福馨徐元貞等重建

城隍廟在東門右城隍坊即唐觀察使陳巖故宅明洪武元年知縣董煥重建萬歷三十年署縣推官朱履儀又建清乾隆間邑人徐時作等捐修嘉慶間邑人徐家修捐修道光間邑人丁人彥重修光緒二十年十月初一日被燬邑人徐祖韶捐以千金倡首復建

關帝廟一在南門長吉坊明萬歷三十九年辛亥知縣項應瑞建清嘉慶五年庚申水圯邑人丁人良等重建民國三年邑人徐先松等募修每歲春秋致祭

一在上青山麓稱老關帝廟嘉慶五年水圯邑人丁人良等重建

文昌宮在興賢坊聖廟明倫堂之左嘉慶十六年辛未邑人丁人彥建後丁才海才瀚修二次同治間邑人聶徽鎬之父重修光緒三年丁丑洪水冲壞邑令劉珏邑人陳學恭重修宣統

間丁美賦募捐重修每歲春秋二仲月丁日致祭附邑令劉珏重修文昌宮碑記帝君之聲靈赫濯久矣祠宇徧海內士人奉之尤謹論者咸謂科名之主宰文章之權衡維神實司此示先王神道設教之意使人有所瞻仰而勉以為善也考文昌兩星享標燦之祭位風雨師上見周禮星經又謂文昌六星統名天府星有上將次將貴相司祿司命司寇之號凡在文武之忠勤將相三星主之在上刑賞之明察祿命寇三星主之是文昌本星象也我朝受命自掃除三逆後武備偃而文治昭禮樂

冠裳蒸蒸日盛知翊贊元化冥冥中有默祐者矣嘉慶六年特詔天下列在祀典良有以哉竊思科名由文章而發而文章之顯晦又視乎積善之淺深惟天陰隲下民亦因其材而篤焉耳文昌之神道家以爲張仲後身又以爲梓潼度世要其垂訓於世無非以勸善爲宗與儒教相表裡是科名之基皆于心地積之也吾儒之讀書者非徒爲功名計則吾儒之事神者豈專爲科名望哉必也溯源孝友發爲文章祿命所集庶足爲科名增色帝君之所培植其以是歟建甯地雖僻然英流代起有人故文物聲名諸制頗備文昌宮在明倫堂左邑紳丁默耕觀察建自嘉慶年間誠壯麗也光緒丁丑以壞於洪水有褻觀瞻余亟商明經陳君則僑修之陳君慨然任其事計磚甃塗墍等費共需金二百有奇皆獨力輸之以此見陳君之留意興文知所崇尚也而士之朝夕敬禮者當益思科名之所由來而務修德以邀神貺哉爰記諸石以示來者教諭鄭兼才跋云自嘉慶六年奉詔後各郡縣文昌帝君廟成皆碑記其事以奉諭旨特建非民間私創比也然皆有司之事惟安溪及建甯其成於學安溪之帝君廟因修學宮學署而成其成也猶以衆力建甯則因建帝君廟而有學署又出丁君默耕一人之力且既議於部而叙徵仕郎其當爲碑以記視安溪所闢在體統非止工程已也憚陽湖憚子居敬令江西新喻時奉咨部爲文昌宮成撰俾銘其碑陰錄帝君事條辨其陰會者意在遵聖制以遏邪說正人心厚風俗此縣令之事也兼才奉部咨募建事成於下美有專歸在遵聖制以彰義舉感人心範士習是學官之責也廟成有五年默耕丁君自徵仕郎加巡道再加三品銜又逾年兼才再調海外任適值公車之役當別去覆檢二藁錄交觀

## 建寧縣志

### 卷之六

祀典

二

察冀勒貞珉垂之久文工拙有未暇計云

天后宮在北門內顯武坊舊都司署左清康熙五十九年庚子建每歲春秋仲月戊日致祭

- 一在黃洲坊溪東觀其創建時代無攷光緒十三年邑人何光禧重修
  - 一在北門外下坊街光緒間鹽幫創造爲建良會館
  - 一在北門外下坊街青雲嶺下爲三山會館其創建時代無考
  - 一在福州城內郎官巷爲綏安會館清道光初鄢珖彩何桂芳等創建
  - 一在福州南臺上杭街爲綏安會館乾隆年間米商謝元勳王堯章萬漢雲趙逢年徐嗜和錢達言余益蘭何錫五等構宅爲基址以欸紉中止嘉慶二十四年己卯邑鹽商吳勉懷朱有光諸人捐資建造道光十一年辛卯謝景行廖柱山獻廷姜文波李立侯何松亭等復捐貲購買宮後山坡增祀后之先代嗣復經何松亭謝履旋李式軒崇德李佑賢諸人改建梳妝樓光緒三年丁丑邵武紙幫傅濟川曾玉軒等以該邑紙木茶筍等幫運貨至省及天津等處歷灘浮海感戴神靈思所以報答而無善地以建祠宇因公捐銀叁千元入綏安每歲另擇日期祭祀獻耐明附入也其始末及條例詳前後兩碑記內附列於后
- 創修天后宮記

天下通都大邑濱江瀕海商賈輻輳之區客是地者類皆建設會館爲同鄉聚晤所而吾閩之建是館者又必崇以宮殿祀天后其中蓋隆桑梓之祀亦以后拯濟靈感江河之舟楫往來冀藉是沐神庥也南台綏安會館之建前此尙未有也乾隆年間吾邑米商之運

買至省垣者甚夥維時謝元勳王堯章萬漢雲趙逢年徐階和錢達言余益蘭何錫五諸先輩暨景所之先君子僉謀勦始以米行所積厘金就南台之上杭街購宅以爲基址給值後屢欲興造始終籌度卒絀於費而中止者幾數十年嘉慶癸酉秋漢雲爲朱家督辦籌經費因彼時建邑米悉由鹽船販運旋更舊章不論米石多寡按船抽錢二百文託鹽館由洋口裝鹽日按幫扣收又公舉徐階和就洋彙收寄建余冠英就建台資生息經營數載計獲子母三千餘金先君子急公好義遂奮然治裝親詣榕城與同鄉廖秀夫董其事鳩工庀材需費繁鉅更得吾邑巒商吳勉懷朱有光諸君子慷慨捐貲相助爰經始於嘉慶己卯之秋旋落成於庚辰之夏宮之規制前祀天后後祀財神巍峨壯麗金碧輝煌由此觀之是宮也米商勦其始而襄事圖成於後者巒商之力也嗣是而後吾邑米商稀少一切神宮繕葺歲時享祀之費悉巒商主之宮後負山其坡陀隙地蓋山趾也時道光辛卯謝景行廖柱山獻廷姜文波李立侯何松亭復鳩資購得之蓋造後殿增祀后之先代宮之成也至是可稱完備矣巒商務興替靡常甲辰乙己之後接辦分承舊商日少新商漸多每值伏臘聖誕禱祀之期同鄉賓客之燕會於是者幾至隘不能容何松亭謝履旋李式軒崇德余佑賢諸君復移置後殿改建梳粧樓宏敞高峻邑之人登斯樓也仰懷天妃擁護舟楫之靈俯瞰大江波濤之蕩潏烟嶼風帆了然在目不又爲客遊者登臨之勝概也哉爰備誌其顛末俾後之君子覽之知勦始圖成之匪易而千百世祀典常新沐

建寧縣志

卷之六

祀典

神庥於罔既者蓋有自云庚子科副舉人候選訓導綏安饒景所謹撰  
新附綏安會館碑記

蓋聞會館之設原以崇鄉祀而聯梓誼故凡通都大邑仕商之客其地者皆庀材首建館舍建邑前輩鹽米商梯航輻輳于省會咸仗神聖呵護之靈爰在南台上杭街勦建綏安會館崇祀天后以昭頂禮竝爲歲時聚會之區迄今垂六十載廟貌常新典祀無缺皆建邑巒米商按年抽收厘金以資公用蓋前有其舉之而莫敢廢也邵武爲<sup>建邑</sup>比年紙木茶笋等幫貿遷至省暨轉運天津等處者險歷灘河逾越海澨莫不感<sup>建邑</sup>生計日隆備臻利涉思有以報答天后鴻慈圖建會館艱於得善所而因之未逮也丁酉秋邵邑紙幫傳濟川會玉軒諸公商於綏安會館各董事以同邵之誼公捐番銀三千員助入會館添置產業暨援建邑巒米幫例所有邵邑至省各項生意永遠按抽厘金悉充會館經費凡遇伏臘聖誕禱祀之期與及同鄉歲時讌集宜得隨事獻酬以舒景仰即於今年七月既望敬上匾額會集同人以誌盛舉若夫會館之建溯自乾隆年間以來至於今其間展拓後殿增美前規以及隨時修葺重煥丹青前人荒度之功靡伊旦夕有善其始者必有以繼其成庶神道歷久而彌新氣誼日推而愈廣今者邵邑諸公樂附同志鄉風未改可無苔岑之殊且月聯歡彌洽梓桑之誼上以貺神庥下以孚衆志登綏安之舊館不啻合灘水於一家也何有畛域之分乎爰誌巔末并登條約於左一會館董事新設由兩邑延請公正長者主持以資綜理事務一會館事宜悉憑董事主裁以崇責成而歸畫

一邵邑紙幣公捐貲番三千員歸入館中置產生息以助香燈修葺之需日後勿得分持別用以重公帑一邵郡各項生理均應酌抽厘金以資經費一邵郡所抽厘金按年無論豐歉均應隨時繳歸董事管理以免紛歧一館每逢新正開堂元宵聖誕謝年建邑原有定期邵邑宜另擇吉以展誠敬一殿宇宏敞遇有修理之時邵邑各幫均宜協力捐助以垂久遠一將來修整堂宇應照原額永遠顏為綏安會館以守舊規而重根本一會館係敬神之所舊章凡有同鄉客商到省不得任意寓處并寄儲貨物以昭肅靜一綏安會館原經泐著章程茲復增立十條建邵同人各宜遵奉新舊定章和衷襄理以迓神庥光緒四年歲次戊寅巧月日公立

忠孝節烈祠在聖廟右邑前此止有風教祠自清雍正三年始詔天下省郡州縣各舉節孝之婦及孝子義士立祠建坊邑二祠共建于學宮右側二坊即共建于祠前後二坊皆圯改二祠為一曰忠孝節烈祠左祀忠孝右祀節烈光緒間邑人徐先勳丁濟生募修每歲春秋仲月丁日致祭

忠烈祠原名昭忠祠在高等小學校即舊灘川書院左側同治十三年邑令黃毓鑫柯掄建祀前邑令

楊士箴等一百五十九人民國光復改今名增祀等 人每歲定武漢起義日

陽歷九月二十九日國慶日陽曆十月初十日南北統一日陽曆十一月一日致祭  
陰歷八月十九日陰曆九月十一日

五顯廟在縣署西積善坊今名華光廟按明太祖都金陵建十四廟一曰五顯靈官廟以歲孟夏季秋致祭今之崇祀者遍天下其始此與元金陵志

# 建寧縣志

## 卷之六

### 祀典

#### 四

謂為五行之精古有五祀道書謂之靈官大帝以謂神司文院故京省士子富大比爭以白牲祀之是五行之祭見于月令此正祀也

火神廟在南門口清嘉慶初知縣曾選遇倡建同治間被燬光緒癸卯年邑侯陳侃募捐重修土地廟在儀門外之左清代正官朔望謁文廟及城隍回祠行二拜禮除夕封印隨祀之學中則教官主之

三聖廟在縣治衙者宅門左丞陞縣時灘陽驛有二聖廟今為灘驛坊民居按神即倉史王名頡元金陵志云倉

史土有四曰者掌籍掌算開聽追失二聖者籍算為其一開聽為其一追失為其一能明此三事故曰三聖凡目府所任立祠祀之

附民祀 按洪武元年令郡縣訪求應祀神祇名山大川聖帝明土忠臣烈士凡有功于國惠愛于民者奏者祀典其不在祀典而嘗有功德于民者各以時祭故鄉村市鎮有鄉厲之祭凡諸鬼神有靈爽者聽百姓養禱不禁云

里社壇洪武八年令各鄉村每一百戶內社壇一所壇而不屋凡適春秋二社日里老各率其鄉民預辨祭物以祀五土五穀之神專為祈禱雨暘時若五穀豈登按建邑四區各立里社率無壇而有廟名曰社

公春禳災夏保苗秋報功總名曰神會亦古人設社遺意也

鄉厲壇洪武八年奉制設立建邑照四鄉保分共設二十三所壇皆南向祭期與邑屬同每圖里長十戶輪流致祭

五忠廟在城北顯武坊宋紹宗間建祀大保謝彥斌府志誤作祀明嘉靖二十一年寇燬二十年

四年邑令何孟倫復建民國四年謝姓後裔重修按舊志載徐時作曰舊志梁開平元年鎮

兵過武陵見巨人跡心異之至梁山下跡由廟中出廟故祀征蠻將軍也彥斌遂禱神出兵果大捷及還繪像而歸同光二年建廟惠寧坊宋時屢顯靈異嘉定十四年加封神為忠勇忠順忠顯忠烈忠祐等公廟由宋及明輿廢歷歷有據至嘉靖三十二年邑令何孟倫纂志修廟立碑備載其事朱曲廬不詳碑文乃以建陽劉氏五忠當之反謂舊誌無據何也新誌誤仍朱說宜謝視溪執萬歷年間家譜并廟碑爭之且註武陵為往滇黔要道其五溪浪灘崖建馬伏波廟為征蠻五將軍之一視溪久官滇黔據地而辨表彰祖勳當矣五忠廟號從此得正光昭祀典實大有功于名教云附碑文縣治北惠寧坊舊誌梁開平元年鎮將謝望之子太保彥斌仕南唐承命征蠻兵出武陵見巨人跡心異之前行至梁山下有一巨人跡由廟中出乃征蠻將軍廟也彥斌遂乞靈于神征蠻果大捷及還詣謝繪像而歸後唐同光二年甲申始創廟宇宋元豐四年軍賊吳佐謀不軌尉密禱于神其夕賊聞四山有金革聲惴不敢動侵晨就擒無一脫者宣和六年御賜金額紹興十二年封神為武平武叅武順武信武威等侯靈響丕著有司以聞復封公為八字侯嘉定十四年加封為義勇公加封神為忠勇昭應忠順靈應忠顯孚應忠烈通應忠祐嘉應等號紹興丁丑廟燬于寇惟像獨存咸淳乙丑周坪土寇鄒夏乙之變官兵血戰間見曉霧濛濛中有五神頎然而長執戈督戰果

# 建寧縣志

## 卷之六

### 祀典

#### 五

大捷神所貺也父老請以編戶供香用答神貺歲壬申廟宇頽敗其基址大半廢為射圃正統丁卯鄉民俞繼宗何彥深等復臨街建廟宇路亭肖像又一新之正德庚午流賊城舉火焚將及廟而隔溪人民見烟焰中有神人穿紅救火須臾得熄北門居民悉賴以安嘉靖壬寅燬于鄰火廟像一空惟存香案歲丙午邑侯何孟倫修誌見神顯著命耆民廖景隆姜奈宗募財建廟環以磚石但神像未備癸丑者民丁元恩等復募賞雕刻金像八尊牌位五座煥然一新立萬年香火永庇斯民矣時嘉靖三十二年癸丑仲冬月

五公祠在灘川書院內初名三公祠祀邑令三水韓琮賢良方正教諭閩縣鄭兼才邑人徐時作後加祀書院掌教邑人朱仕琇曰四公祠光緒七年邑令臨川徐士俊倡捐重修書院復祀入祠始名五公祠後二十年鹽道龍錫慶撥捐書院膏伙六百兩邑人復祀之曰六公祠其額未改故仍舊稱

遺愛祠在風教祠之左祀明令馬昇江一桂何孟倫也隆慶三年己巳邑人士建祠中暨去思碑歲時赴祠下酌酒焉今廢

許王廟在西門滕長坊原名滕長廟嘉靖二十年庚戌九月巡檢許繕以追捕山賊殞于陣邑人建祠祀于縣西慶豐門外曰彰勇祠尋毀移祀于水南便民倉右二十四年乙巳邑令何孟倫遷祀於滕長廟立繕像旁列同死士張檢江建每歲春秋仲月上丁日致祭

義士祠在鏡村保水西明正統間陳順甯宗佩二義士禦沙寇力戰而死邑人主祠祀之後祠廢邑令何孟倫乃附祭于彰勇祠即許王廟前清時代二氏子姓各立主于家廟每春秋請教官

致祭

三忠祠在南門長吉坊青山巷口舊名雙忠祠康熙二十二年邑人陳大儀謝國樞等于舊社學地建祠祀死難邑令温光涵防守李化龍年久失祀祠亦頽毀乾隆二十三年秋邑紳徐時作等僉謀修祠并合祀死難巡檢許公繕許公先祀于滕長廟廟故祀唐忠臣許遠附祀許公于旁為一許混稱不愜輿論特塑像遷祀于此改今名每歲春秋仲月上丁日致祭祠內

附建賢會倉版

東平王廟在西門外鳳山寺之右廟建于宋元豐間舊名二王廟祀唐張巡許遠二公後廢明

永樂中里人甯子繼復建名東平王廟嘉靖二十四年乙巳邑令何孟倫改名完節廟附祀

巡檢許繕及義士甯宗佩即子繼男陳順于右三十年宗佩之族人捐資關山大拓祠宇復改今

名清乾隆十五年邑貢生甯明章倡首糾集宗人重新修整咸同間寇燬僅存東平王廟牆

額民國三年甯斌創議重建偕子繼裔孫首捐銀五十元復囑鳳山寺僧募捐今已落成廟按

前原有東嶽廟乾隆間廢為明進士李寧墳墓

福善王廟在水東小路口祀隋歐陽佑佑事隋為温陵太守義甯初官滿西歸舟次邵武之大

乾山聞隋鼎革恥事二姓舉家沉焉後托夢漁父以網得之葬于大乾山之陽故又曰大陽

廟祈夢甚靈建廟永城保龍龜山亦立有廟至七月遇神誕祈夢者甚夥江右隣境接跡而

至附董潤隋廣佑王歐陽公廟懷古嗚乎楊花落李花開天風吹送童謠來錦帆帝子江都去不見瓊花竟不回九州擾攘烽煙起西東二京誰是主大原公子舉義旗蕩覆羣雄握

建寧縣志

卷之六

祀典

六

玉璽温陵太守仰歐陽心懸故鬻思勤王秋風歸棹抵樵郡飛報隋鼎今歸唐公聞震發雷霆怒西望長安歸無路樵山峨峨樵水清舉家不願人間住九淵散髮逐靈均蛟宮豈復愁無鄰破舟夜半星雲慘一婦八子同沉淪逆流公上杭川去高風似駕祥鸞馭漁翁起葬大乾山千載英靈示夢處斗轉星移五百年李綱入相名方傳古今忠義不磨滅發越光華長在天

莊武王廟在黃洲坊祀唐閻汝明神邵武人為後唐使還舟過延平鯉潭樂其山水之勝曰吾歿後當血食於此舟再至溺于潭屍過數灘凡三返踰旬不朽土人具棺葬于溪南之山而封樹焉後唐明宗天成中立廟賜額祀之

知軍廟在將屯駐節亭呼將軍廟訛也祀宋知軍事趙廷評先是筋竹寇亂建陽總領劉純仗義討之會純死于寇其部卒驕悍難制廷評分其眾為四隸左翼一劊軍口一劊永平即筋竹一劊西安即里心一劊梅口以處之民賴以安感其德立祠祀之

清靈廟在楚上保祀神廉若

三陽廟詳見叢談

風教祠舊名烈女祠在東門外將屯明嘉靖十年辛卯邑令江一桂建祀烈女楊玉英十七年戊戌縣丞范錦增搆室于祠後以藏神主二十四年乙巳邑令何孟倫重加修葺謂有祠不可無祭乃置買塘地每歲春秋二仲月用庚日教官致祭後附祀正德五年烈婦艾臣魁妻姜氏天啓丙寅年邑令王都重修康熙元年附祀訓導福州張可仰子祈妻葉氏乾隆十一

年教諭曾西元勸捐重修以後附祀者共

人中間傾圮重修無改今棟折榱崩

岌岌其殆僉議遷祀城內城隍坊義興棧

按義興棧原為里人翁氏住宅後翁氏子孫零落僅有一名妹妹者咸同兵燹後官廨盡燬典史陳

啓明儼居之妹妹卒翁氏無子遺嗣陳徙南衙去把總李玉書償陳修葺該宅之費而假館之繼而把總范承灝復償李費范沒妻朱氏繼沒范子德生乞都司曾登貴借款營喪該宅遂由曾招賃為義興棧嗣因曾奉檄調省邑紳以前募修箭導存銀五十餘兩僉請曾撥歸地方公用曾遂將該宅立券撥出眾議充天后宮祭祀之需公交丁美成經理已閱六載後因經理不善謝承恩等控奉知縣劉裔經訊飭將撥券繳案以後年得租金依舊充天后宮經費云

### 學校

孔子之道尊而明大而遠德之所及皆有學校所以妥聖靈安神棲講人倫宣教化也唐柳宗元謂追思夫子告誨如在於前苟神之在曷敢不虔居而無陋建邑廟學盛於宋代近千年來恢宏式廓舊而重新者屢矣迨前清尊而益明大而彌遠所在設立書院義塾迨及末葉設立學堂去華崇實學校大興民國以來益崇聖教尊孔之令至再至三嗚呼盛哉志學校

儒學 在縣治南宋天聖中邑令葛佑建於縣治之西嘉佑中邑令李山甫徙今所紹興九年燬十二年邑令黃唐佑復建前臨大溪為山水佳處慶元四年邑令趙師棠購地建講堂扁

## 建寧縣志

### 卷之六

學校

七

曰進德即舊講堂基建大殿門廡齋舍廚庫皆備嘉定十一年邑令錢衢紹定二年邑令趙紡夫淳佑五年邑令林玘十一年邑令連端懋寶佑二年邑令廖邦傑景定五年邑令宋秉孫相繼修治咸淳七年邑令程夢桂捐俸二千緡撤講堂學門而新之又建魁星亭于門左殿庭門廡齋舍倉庫皆措置如制

元至正十二年寇燬至二十六年里人馮真卿

府志誤作直卿重建大成殿及講堂

明洪武三年邑令董煥重新大成殿塑先聖四配十哲像門廡廚庫復備更講堂曰明倫堂齋曰據德曰游藝南為泮池架橋其上池東西為齋舍後為饌堂十六年邑令胡日新改建明倫堂於泮池南前為門堂西為教諭署東為訓導署規制始備永樂中重修正統十三年燬于寇泮池亦圯教諭陳襄請建未果明年邑令汪榮

府志誤作江榮架阜為之景泰元年訓導

王錄趙輔禮諭里人輸財重建

附錄明花潤生重建縣學記建甯儒學肇自有宋開置郡治之時懋允化民育材咸在於斯主我明教養勸勉逾於往昔

設師以誨之置廩以食之觸徭役以優之凡為學者皆感激務學以求不負是以賢才眾多與郡學相頡頏止統戊辰冬燬於寇景泰紀兀庚午冬邑人沈文賞首捐材購三間兄子友慶績成兩齋為間凡五廖彥舉輩又輸材僦工建大成殿以及兩齋戟門庫厨宰牲滌潔之所力役則取辦於官未幾落成塑像邑大夫金瑄暨學官包瑜邑士何伯成等又各捐貲莊嚴威儀由是兩祀得展敬仰齋宿有次講習有舍方之舊加宏麗焉萬民歡悅咸願子弟來學也嗟乎光岳氣完雖草木鳥獸猶出鳳麟瑞麥靈芝况人靈於萬物乎今此邑庠之人

必能出類拔萃成効忠良宜有異於衆人矣

正德十一年邑令周必復改建大成殿

羅玘記畧曰正統建學火于兵府司因陋就簡將事者幾

七十年正德改建大成殿則知縣周必復爲之也是時按院胡文靜捐資首倡參政陳策副使唐澤知府葛浩成祇承恐後然後易簡陋爲完備則諸君子將事之力也

嘉靖十一年制改大成殿爲先師廟撤像易以木主

十七年巡按李鳳翔行學從教諭劉溪之請命邑令梁隨改建學門二十一年明倫堂圯郡守邢址重建二十四年邑令何孟倫重建櫺星門鑿泮池于廟之南跨以石橋西引鳳山玉泉水入城由鳳池坊北繞曲流至興賢坊入池

何孟倫記曰學之有泮古也或曰泮班也所以班政教也或曰泮之言半也東西南有水

形如半璧以半於辟雍也班以事言教之始也半以制言示有尊也今郡邑有學古諸侯之學之遺也綏之壤地雖褊小而必置學焉教無不在也有學則有泮制之不可廢也綏之有泮舊矣因革廢興代有升降今其地且不可考矣然則今之泮可容已乎予蒞任暮月于邑務亦既有序矣而惟是之未遑可謂知先務乎乃集多士謀之進僚佐告之僉曰可於是鑿渠通流導玉井之泉由西入城東折而南以注於泮周鑿以璧跨橋以三旁繚以石欄焉考半之義而今爲方者因地之宜制而用之者也維新之度昔無而今有于以備王制之遺於以做闕里之規于以廣士類之觀其導有源其衍有委其流注有常其停蓄有方聖人之道無不備以觀于泮而道其不可推乎是故其漑物類仁其可近不可犯類義其坎止流行類其淵澄靜映可以鑑物類智其流行不測類神思樂泮水君子戾止豈惟其迹焉已哉學問

# 建寧縣志

## 卷之六

學校

八

之道無他焉疏其源流而大其停蓄體仁以物身則公溥以通辨義以範物則矜直以方致禮以正志則經德有常秉智以先物則明察以章存神以應變則周流曲折無所處而不當聖人之教無不存以泮而推而教其不可見乎深於斯義而後泮不爲徒設矣

三十

九年邑令吳金重修殿廡及櫺星門至萬曆二十九年九月民居火延及殿廡門堂俱燬萬曆三十年衆議擴地遷建先是邑令何孟倫議以學宮前偏湍流後橫大街屢議遷入以碍民居未果至是乃力申前議深入數丈丁士濂士濬兄弟首捐屋基價銀二百五十兩助學次第捐輸者有艾應科何本榮曾仕達李健李國治丁士治徐廷梅李值李傑妻宋氏其人焉又以學右地易吳姓地基又將學田七十一畝換丁士濂及謝銘屋基然後學宮基址始得恢闢而以聖殿居左明倫堂居右更坐向作亥巳萬曆四十年署縣萬尙烈謂泮池地高玉泉之水不入引學右禮門井泉入天啓五年邑令王都從諸生之請改建照宋時坐向仍作癸丁以聖殿居右明倫堂居左建尊經閣于堂之後堂門外左爲教諭署左折爲訓導署倚城爲文昌閣閣之下爲土地祠堂之東爲啓聖祠祠側爲名宦祠鄉賢祠戟門之右爲敬一亭嘉靖時奉文建中暨世宗御製敬一箴及宸翰程范心箴四勿箴後改爲宰牲所戟門之前爲櫺星門門之外爲泮池池之外爲馨門宮墻左右建興賢育才二坊規制稍備

清康熙九年署縣通判柳文標重修十一年文標復著篆再修十二年邑令周燦續修二十一年邑令檀光熾建櫺星門二十九年教諭林銓重修明倫堂四十九年邑令王嘉銓重修戟門蓋修殿瓦五十三年邑令章全人以殿側偏緊民房捐銀五十兩買李而亭屋折去周



以墻垣又建櫺星門是年教諭戴天任謂兩廡諸賢牌位名號訛錯捐資從新改製雍正元年六月十八日雷雨震撼文廟殿脊邑令皇甫文聘從新拓基增建閱三年工竣朱霞記畧曰雍正元年歲在癸卯六月十八日巳刻雷雨大作聖廟殿脊震塌邑候皇甫於次日招集僚屬紳士往視循行廟之前後左右見瓦敗椽頽墜夷壁墜欲因故補殘而已腐朽莫支將更新之未免有動衆傷財之慮因招霞入署計議霞力贊之翌日侯招集僚紳公議於明倫堂霞列末席指陳規畫俟以下咸是霞言侯乃專責霞以董斯役霞以力繇辭弗得乃退與同學謝南溟席作舟陳文遠等條列十二則刊布城鄉復據鄙見爲增擴條議一本通詳上憲得允十月望日侯設酒食聚衆親至明倫堂出簿書金合邑踴躍依助約計千金侯復濟以贖鏹乃於殿內架小屋以護聖座霞先捐己貲市材陶甓併買民房之近學宮者盡行擷去以便作事值開歲甲辰二月補科鄉試侯奉調入闈至七月朔日侯復集議舉事乃於八月二十日辰時易柱上梁擇七月二十七日黎明昭告聖人遷四配十一哲主於聖座內兩廡主移之啓聖祠卽日撤去上架朽材其聖座前正樑與殿西角柱爲蠹所蝕皆易以合抱之木書增修年月日時於上架之檣間柱礎之塌者築之斜者正之椽桷枋稅一概新之斗拱升架則新舊互用簷際四周易以罟憲以通風日凡攻金輦石削木運土編篋版築墁聖丹墀之以工計者日百十餘人物料工食以銀計者日用七兩有奇椽桷版楣斗拱枋楣之屬以件計者七千五百餘事告廟時默祝聖人倘得邀靈使三月不雨庶殿工易於成就果於十一月初四夜始雨而殿已告竣矣嗣是而露臺而甬道而兩廡而戟門而名宦祠

建寧縣志

卷之六

學校

九

而鄉賢祠次第功成聖殿高廣一如舊制殿外環之以廊廊外護以欄楯欄楯外虛一丈二尺爲院院外築以二仞之墻以衛重簷以隔民居東西廡各爲五間居中一間各廣丈有二尺以容展祭者之周旋廡之墻高接簷廡盡處各虛一室爲位置鼓鐘地顧瞻上下覺費出於樂輸材出於估值工出於懃力出於傭物無妄費故功成速而堅好踰於舊制是役也霞與謝逸凡葉級蘭謝芝山萬苑臣任事任勞徒步走四鄉冒寒暑閱險阻閱月踰時不辭勞瘁至十二月二十八日祭告聖人慶成功也安配哲座請兩廡主宦賢二祠主入焉兩廡主經先任教諭戴天任按典重新而宦賢二祠主則從新易之蓋名宦主歲久泯爛多亡失茲則考核志書舊祀者新之遺失者補之應祀者增入之若宋令宋秉孫明令吳金左光先教諭譚如桂巡簡許繕國朝令温光涵防守李化龍則增祀之鄉賢主則子孫欲耀先德者似嫌過亢茲則易之如式宋處士李安期昔有今缺仍補入之明工部郎中黃弼峻節清修有碑名教立主祀之二十九日致昨於官及餉諸匠畢明日除夕霞乃歸自七月以來霞寓縣治者凡六閱月朝夕出入絮高卑度廣狹心營手畫樂不知疲蓋事出於創嘗於夢寐中較量布置且日檢度尺寸不爽不可謂無默相也日者謂甲辰年坎爲向煞方於首事工匠不利然卒無害則日者之不足憑可知己乙巳春謀新崇聖殿蓋敬聖人當敬聖人所自出也今皇上追封五代王爵詔立崇聖殿倘規制不宏何以安聖靈而承明詔舊址湫隘另于祠側買民居建之得地橫四丈縱七丈復撤去訓導署以深之殿基闊三丈四尺高其址爲三間二十八楹殿內神座分爲五室中爲肇聖王東一爲裕聖西一爲詒

聖王東二爲 昌聖王西二爲 啓聖王位皆南向左右二龕爲四配享位稍下二龕爲五從祀位仍前爲露臺臺下甬道東西兩廊堵五級廊長四丈八尺廊盡爲迴廊是爲拜跪地中不立門門右出接明倫堂廊也規畫定而大木缺議用楓木乃命匠四出求木迨 崇聖殿成而歲又除矣明年丙午爲賓興之歲僉議當挹山川之秀邀 聖人之靈專意開泮池砌園橋擴宮牆爲汲汲值旱饑鹽貴侯又赴調入闈邑尉孟撥賣鹽二包羨餘爲 文廟工費復有私鹽之罰扣價射秤之罰共計得銀三百餘兩使費用不窘者尉之力也自是 聖宮內外粗就所未畢者丹雘黝墨耳越歲丁未以明倫堂爲觀禮之地不可安于固陋舊制雖高聳而狹隘今割三之一以拓廟址乃以 啓聖祠舊址併入之得地六丈五尺復移進二丈則堂下更覺深廠舊材朽壞者盡易之仍用楓木閱三月而堂成其門廊則須擴教諭署爲之夏四月李長者捷三好義人也聞廟貌更新敬往觀之見 聖座樸素無華獨捐貲召匠雕鏤金珠之費至七十餘兩先是忠義節孝兩祠並建戟門墻外之西東向侯自省回以爲不如式復捐銀一百七十兩將舊祠離而爲二轉而西向中建一廳前爲牌坊坊書節婦姓氏于上中爲碑聽碑勒 聖諭一道列義士孝子名于後侯以節婦一事極爲詳慎每慮呈報未公稽核不明乃設櫃封識於縣門前令有不孚衆議者投詞自櫃頂入十日後啓之得衆口稱節者凡二十四人孝子則公舉蔣時仁徐國僑張日暉義士則廖彥舉陳順甯宗佩若夫元之馮真卿多所營建明之宋子建陳力捍患張檢江建之以身殉難陳孝孟溫篤行苦修舊並載之邑乘而未及舉霞乃偕衆請于縣主製主入祠若節婦主或謂須書婦

# 建寧縣志

## 卷之六

學校

十

人名旁註夫名霞謂正書某人妻某氏爲宜席作舟是霞言作題主辦以正之事甫定而盤查之令下邑侯皇甫解組猶惓惓以朱子祠爲念乃捐銀四十兩爲倡囑霞曰君其爲我畢此願又捐銀百兩買租田十畝二分爲春秋祭祀費且撥縣前店地租十兩益之又買附郭租田九畝四分貯之祠中爲科舉生卷資侯澈綏八年削衣貶食清勤方正于民不擾解組時猶留心學校若此誠近今希覩也乃於丁未臘月初四日起工修朱子祠祠內舊有泰西教廢宅乃撤去舊宅培高其基三尺五寸舊材可用者用之爲堂三間二十楹移舊神座爲文公座舊座有祖述憲章上律下襲字樣易以遠接洙泗近承濂洛八字左右設配享位以蔡西山王勉齋陳北溪李果齋配之劉德言邑人也受業朱子之門理應從祀至戊申二月而祠亦告成侯製扁二一曰先儒大成懸之中堂一曰主敬行恕懸之楹間其臺道廊堵一如 崇聖祠制前爲迴廊三間中爲門仍其舊制直額 朱文公祠四字祠之東餘地一區移祠之舊材構廳爲省牲更衣所旁爲倉四以貯所買田租爲室二以居守祠者爲碑記其事 聖宮 賢祠一時並建眞吾邑盛事也雍正九年辛亥三月上巳日建甯縣歲貢生朱霞記 乾隆六年監生徐時伯奉其母太宜人余氏命捐貲鼎力修葺 文廟至乾隆七年七月告竣共用一千三百餘金造冊達部經工部核減准銷銀九百一十五兩零奉請議叙奉旨依議將監生徐時伯給與詹事府主簿職卽用自雍正元年邑令皇甫文聘招邑紳朱霞等葺以後工雖告竣而 文廟之殿宇未施髹飾 崇聖殿之廊堵未及整理明倫堂不免人畜作踐至是鼎力重修而廟貌始極輝煌廊

皆益加周密明倫堂門以外復設排闥乃不致有汙穢舊制宮牆卑隘興賢育材兩坊架木經久將圯乃重加恢擴宮牆直包殿宇左右爲門用木闌蔽之門上左書興賢右書育才兩學衙署向設房屋不足以蔽風雨大工竣後復爲修整廳堂內署結砌墻除甬道并峻整門墻學署煥然一新嘉慶間邑人丁入彥重修教諭訓導署八年甯英重修明倫堂道光間邑人丁才翰才海重修兩學署光緒三年洪水冲壞邑令劉珏復募捐重修

善上質也教而後善中質也天下上質少中質多故聖王設學教士官備而法詳焉士之受教者通經致用今日之士卽他日之公卿大夫也公卿大夫以其所學治天下而名儒名臣胥由是出設學之有益於治豈淺鮮哉周衰道裂佻達成風甚有欲毀鄉校者孔子不得志於時歸而設教杏壇一時學者宗之至有三千七十之盛故庠序雖廢于上而羣弟子相與講明卒使道統之傳得以維持弗墜則甚矣造就人才之道不可無學以習其業也考之周禮大司徒以下其屬各官均有教士之責其所以陶冶而漸摩之者法誠不一而足而要惟孔子之立教爲能得所統宗孝弟謹信汎愛親仁餘乃學文文居後所以教小學也文行忠信四者教人文居先所以教大學也善教之化人也愚可破悍可馴王介甫謂聰明其耳目而善其心誠哉是言也漢興廟祀孔子以報功德然有廟無學識者非之宋中葉後始詔天下府州縣設學而立孔子廟於其中元明亦然本朝崇文教加意廟學益將養公卿大夫之才以備科第之掄拔意深哉夫杏壇四教非爲科第地也然科第因之而興四教首

建寧縣志

卷之六

學校

十一

文文以擴其識科第取文文以考其言蓋忠信敦行士之修于家而不求外見者也而惟以文爲衡果有忠信敦行者其學問經濟每呈露於行墨而不可掩抑故自唐迄今千餘年公卿大夫之名節爛然者多從科第出世謂科第不足以得士豈篤論歟建甯設學久矣誌書載進士四十九人舉人九十餘人然自乾隆戊辰太史朱梅崖捷後甲榜歇絕者百卅年近卽乙榜亦多間斷或咎樞星門外向不利然乎否乎光緒丁丑濰溪暴漲壞學宮因改樞星門舊向而向吉形家言從此文風丕振科第聯翩余甚喜焉顧余所望於建甯者不僅科第已也余觀舊志稱尙志力學俗樸訟簡以今所見殆不謂然豈粵匪蹂躪以來天降喪亂人心亦因而異耶正人心先端士習其惟教以四教乎多士誠以忠處己以信待人行無鉅細不敢苟且而又涵泳詩書禮樂之文以求心得及其爲文則發揮其心得者而言足指實理足見極所謂蓄道德而能文章料無不得志者矣卽不得志傳道得徒名稱沒世亦何異於科第之顯耶余嘗告多士矣儒者冠儒冠服儒服惟範圍四教中于時稱聖人之徒無愧也于時謁聖人之廟無愧也上質尙矣中質由教入用功困勉皆可有成異日經明行修人文蔚起上不負聖王設學教士之盛典次不負余移風易俗之苦心此建甯之福也余忝官斯土亦與有榮焉多士其勉之茲重修縣學告成爰記所言以刊於石又重修建甯縣明倫堂碑記明倫堂者廣文先生臨蒞之堂也先生課文聽事有所承庸撻識在此堂不與縣治莅民等是必清曠之地無喧雜無囂塵與諸生講習於其中可以靜耳目而廓胸次乃爲得所焉建甯明倫堂在 聖宮左 崇聖 文昌祠右堂宇軒敞兩廊曼延數百冠裳之揖讓周

旋可容也堂前有兩桂樹老幹夭矯上覆如蓋間以衆卉亦錯落有致門南向外門東南向女牆護之灘水過之對山峯者岫者岡者岩者山下田者園者澗者林者橋者亭者畢獻奇於門前蓋城市之勝境也學者講業餘閒內挹花卉之芬芳外攬山川之流峙於以屏絕外緣靜觀有得悟理趣而發爲文章所謂地靈人傑其在是歟堂舊名講堂有學舍可聚生徒洪武朝易名曰明倫堂 本朝因之入有倫有理爲聖爲賢之本在焉人倫明則小民親桀驚之習可以馴爭訟之風可以靖學者顧名思義其務束身名教以爲斯民模楷哉余案牘勞形舊業荒落顧每於丁祭朔望與先生諸生堂上相見未嘗不憶昔年攻苦時親師取友逐事講求所期有裨於儒術吏治者皆在斯堂也今喜竭力募修外觀有耀待先生升堂擁臯比向諸生講六德六行六藝約歸於彝倫攸叙有以匡余之不逮余可不負苦心矣堂廡墻垣壞於光緒丁丑之水災今歲重修椽角枋椽等材版築墁堊丹雘等工共費若干金董事者有籍可稽余不贅記惟就余惓惓所冀望者而紀其大畧云又重修建甯縣儒學止署碑記建甯縣儒學分正副兩署副署與如也正署廊如也副署離水遠外有曠地正署近水地又稍迫故罹水患尤甚然耳目見聞不俗較之副署則差勝焉今夫山不必峨峩巫峽水不必洞庭太湖即如金鏡山之高而遠木杓山之卑而近其間包容之山如挺如門如昂如縮之形狀一開門而目見之又如灘水之西來東去其過瀨趨灘吞沙咽石風雨崩騰澎湃之響開門而耳聞之藉耳目之勝而開拓其心胸一洗卑庸淺陋之習文人得助於江山豈虛語哉居是署也氣清明意鬯懌外不改儒素之舊內不輟學問之功日與諸生講道論文

# 建甯縣志

## 卷之六

學校

十一

訓以有本有用之學樂山樂水見智見仁隨其所觸會心皆可有所謂師道立則善人多不可拭目而俟乎至于登高舒嘯臨流賦詩享山水之清福猶爲餘緒已署自咸豐丁巳後疊經兵燹率就傾圮歷任廣文僅藉捐俸補苴未能復舊光緒丁丑又壞於洪水垣頽壁陷竟鞠爲茂草矣今歲募修 聖宮明倫堂等處以次葺之外門新蓋一亭以蔽風雨堂後稍偃仄爲增數楹廣之欄砌以磚可爲退閒散步之所功竣而堂室庖漏如故東北隅之土地祠如故雖藏書樓之故址未遑同時補建而藏修游息之下耳目聞見真覺廊如致足樂也余因喜而爲之記教諭鄭兼才重建建甯縣學署碑記古立學不必有廟漢雖立廟猶以學統屬唐詔州縣立 孔子廟自是郡縣有廟必有學宋王十朋守夔朱子以明倫額所創學堂自是郡縣有學必有明倫堂明倫堂者學官莅事之所不常居其所常居則學署也建甯縣志公署一門不著學署惟以儒學署次忠義節孝祠列廟學考其規制僅附見乾隆七年徐時伯修廟一記稱舊署不足蔽風雨爲修整廳堂內署結砌而已餘無及焉至今上五年庚申中間歷五六十年或充擴修飾未可知而自秋沒於水學署廢官至無所居居明倫堂夫古建學所以明倫而 孔子爲萬世人倫之宗故學附於廟明非 聖人無以學而堂繫於學明舍人倫無以教其制至鉅典至隆而以常常居之官廨猥瑣偪塞至使寢食燕私之事行於廣廈大庭大懼褻瀆彝教啓諸生不敬之漸歲辛未邑明經丁君人彥建 文昌帝君廟將畢事乃就廟左學基建正副署外峻垣墉內廳室咸如制左爲神祠案牘所正署後添建藏書樓既落成移入自是得常居學署而明倫之堂始煥然仍舊觀焉記曰樂事勸功

尊君親上然後興學靈臺詩言辟雍之建庶民子來孟子以歡樂解之臧玉林謂晉唐時本皆作勸樂義正與記合蓋非動於義則不能勸非忘其勢則不能樂古今學制不必盡同而事之成必由是二者我朝學制之隆超軼前古士多知識大義即綏安一隅而樂事勸功之風轉隆於昔如丁君明經尤爲立學教成之驗誠足膺殊典而上掩前徽已而官斯職者擁寒氈坐衿尤願與究明倫之奧義振士氣於將來使在官敦尊親勸樂之風於鄉講仁讓孝慈之禮以遵 聖制飭儒 光緒十年樞星門傾倒二十六年邑人黃之翰謝貽鏞請於錢登修庶無負學堂之成也

雲撥興賢祠餘款重修後不敷用貽鏞董亮勸邑人朱柏溪捐出銀一百六十元始竣事光緒三十三年詔 文廟通覆黃瓦未行

廟制 大成殿內懸清代扁額殿外爲陸東西爲兩廡各一間前爲戟門門左一間爲名宦祠

右一間爲鄉賢祠祠右空坪舊爲訓導署戟門前爲泮池池前爲樞星門額曰先師廟門外

東西鄉有門曰禮門義路門外均墜下馬碑南爲宮牆如半月名宦祠東爲明倫堂堂東爲

啓聖祠前爲文昌宮宮之左爲教諭訓導署署之東爲奎星閣

釋奠 歲以春秋仲月上丁祀 先師孔子以四配十二哲侑饗殿中以先賢先儒從兩廡光

緒三十三年升爲大祀 先師神牌改用金地青書中華民國元年教育暫定祭祀日期以

先師生卒之日紀念致祭聖諱即陽歷四月初五日聖誕即陰歷十月初七日民國三年

二月仍以春秋兩丁爲祀 先師之日孔子廟位次編校錄

## 建寧縣志

### 卷之六

學校

十三

大成殿

正位

至聖先師孔子神位

東配二位

復聖顏子之位 配一

述聖孔子之位 配三

西配二位

宗聖曾子之位 配二

亞聖孟子之位 配四

東序六位

先賢閔子之位 哲一

先賢冉子之位 哲三

先賢端木子之位 哲五

大清通禮大禮會典皆題子思子應從祀孔典禮  
改題孔子

先賢仲子之位 哲七

先賢卜子之位 哲九

先賢有子之位 晉十一

西序六位

先賢冉子之位 哲二

先賢宰子之位 哲四

先賢冉子之位 哲六

先賢言子之位 哲八

先賢顓孫子之位 哲十

先賢朱子之位 哲十二

東廡先賢四十位

先賢公孫僑之位 一

通禮無公孫僑位應從會典及祀孔典禮加入

建寧縣志

卷之六

學校

十四

通禮林放位在西應從會典及祀孔典禮東移

先賢林放之位 三

先賢原憲之位 五

先賢南宮适之位 七

先賢商瞿之位 九

先賢漆雕開之位 十一

先賢司馬耕之位 十三

先賢梁鱣之位 十五

先賢冉孺之位 十七

先賢伯虔之位 十九

先賢冉季之位 二十一

先賢漆雕徒父之位 二十三

先賢漆雕哆之位 二十五

先賢公西赤之位 二十七  
先賢任不齊之位 二十九  
先賢公良孺之位 三十一  
先賢公肩定之位 三十三  
先賢鄔單之位 三十五  
先賢罕父黑之位 三十七  
先賢榮旂之位 三十九  
先賢左人郢之位 四十一  
先賢鄭國之位 四十三  
先賢原亢之位 四十五  
先賢廉潔之位 四十七  
先賢叔仲會之位 四十九

建寧縣志

卷之六

學校

十五

先賢邾巽之位 五十一  
先賢公西輿如之位 五十三  
先賢陳亢之位 五十五  
先賢琴張之位 五十七  
先賢步叔乘之位 五十九  
先賢秦非之位 六十一  
先賢顏噲之位 六十三  
先賢顏何之位 六十五  
先賢縣亶之位 六十七  
先賢牧皮之位 六十九  
先賢樂正克之位 七十一  
先賢萬章之位 七十三

通禮牧皮位在西應從會典及祀孔典禮東移

先賢周敦頤之位 七十五

先賢程顥之位 七十七

先賢邵雍之位 七十九

西廡先賢三十九位

先賢遽瑗之位 二

先賢澹臺滅明之位 四

先賢宓不齊之位 六

先賢公冶長之位 八

先賢公皙哀之位 十

先賢高柴之位 十二

先賢樊須之位 十四

先賢商澤之位 十六

通禮遽瑗位在東應從會典及祀孔典禮西移  
通禮澹臺滅明位在東應從會典及祀孔典禮西移

建寧縣志

卷之六

學校

先賢巫馬施之位 十八

先賢顏辛之位 二十

先賢曹卹之位 二十二

先賢公孫龍之位 二十四

先賢秦商之位 二十六

先賢顏高之位 二十八

先賢壤駟之位 三十

先賢石作蜀之位 三十二

先賢公夏首之位 三十四

先賢后處之位 三十六

先賢奚容蒧之位 三十八

先賢顏祖之位 四十



- 先賢句井疆之位 四十二
- 先賢秦祖之位 四十四
- 先賢縣成之位 四十六
- 先賢公祖句茲之位 四十八
- 先賢燕伋之位 五十
- 先賢樂欬之位 五十二
- 先賢林黑之位 五十四
- 先賢孔忠之位 五十六
- 先賢公西箴之位 五十八
- 先賢顏之僕之位 六十
- 先賢施之常之位 六十二
- 先賢申枏之位 六十四

建寧縣志

卷之六

學校

十七

- 先賢左丘明之位 六十六
- 先賢秦冉之位 六十八
- 先賢公明儀之位 七十
- 先賢公都子之位 七十二
- 先賢公孫丑之位 七十四
- 先賢張載之位 七十六
- 先賢程頤之位 七十八
- 東廡先儒三十八位
- 先儒公羊高之位 八十一
- 先儒伏勝之位 八十三
- 先儒毛亨之位 八十五
- 先儒孔安國之位 八十七

舊題左邱明應從祀孔典禮改題邱爲丘

通禮無公明儀位應從會典及祀孔典禮加入

其下留八十爲先賢虛位

京師廟題魯毛亨應刪魯字以歸一律又通禮無毛亨位應從會典及祀孔典禮加入  
通禮以此處爲董仲舒位而孔安國位在西應從會典及祀孔典禮東移

先儒毛萇之位 八十九

通禮會典皆以此處為后蒼位而毛萇位在西應從祀孔典禮校正

先儒杜子春之位 九十一

會典以此處為許慎位而杜子春位在西應從通禮及祀孔典禮校正

先儒鄭玄之位 九十三

通禮會典皆題鄭康成應從祀孔典禮改題鄭玄位在西應從會典及祀孔典禮東移

先儒諸葛亮之位 九十五

會典以此處為范甯位而諸葛亮位在西應從通禮及祀孔典禮校正

先儒王通之位 九十七

會典以此處為陸贄位而王通位在西應從通禮及祀孔典禮校正

先儒韓愈之位 九十九

通禮會典皆以此處為范仲淹位而韓愈位在西應從祀孔典禮校正

先儒胡瑗之位 一百一

通禮會典皆以此處為歐陽修位而胡瑗位在西應從祀孔典禮校正

先儒韓琦之位 一百三

會典以此處為司馬光位而韓琦位在西通禮則無韓琦位應從祀孔典禮校正

先儒楊時之位 一百五

會典以此處為謝良佐位而楊時位在西應從通禮及祀孔典禮東移

先儒謝良佐之位 一百七

會典以此處為呂大臨位而通禮無謝良佐位應從祀孔典禮校正

建寧縣志 卷之六

學校

十八

先儒尹焞之位 一百九

會典以此處為司馬光位而韓琦位在西通禮則無韓琦位應從祀孔典禮校正

先儒胡安國之位 一百十一

會典以此處為李綱位而會典通禮皆以胡安國位在西應從祀孔典禮東移

先儒李侗之位 一百十三

會典以此處為張栻位而李侗位在西應從通禮及祀孔典禮校正

先儒呂祖謙之位 一百十五

會典以此處為陸九淵位而呂祖謙位在西應從通禮及祀孔典禮校正

先儒袁燮之位 一百十七

會典以此處為陳淳位而袁燮位在西通禮則無袁燮位應從祀孔典禮校正

先儒黃幹之位 一百十九

會典以此處為真德秀位而黃幹位在西通禮則無黃幹位應從祀孔典禮校正

先儒輔廣之位 一百二十一

會典以輔廣位在西而通禮無輔廣位應從祀孔典禮校正

先儒何基之位 一百二十三

通禮何基位在西應從會典及祀孔典禮校正

先儒文天祥之位 一百二十五

通禮無文天祥位應從會典及祀孔典禮加入

先儒王柏之位 一百二十七

會典以此處為趙復位而王柏位在西應從通禮及祀孔典禮東移

先儒劉因之位 一百二十九

會典以此處為金履祥位而通禮會典皆無劉因位應從宣統三年三月旨及祀孔典禮加入

先儒陳澹之位 一百三十一

通禮陳澹位在西應從會典及祀孔典禮東移

先儒方孝孺之位 一百三十三

京師廟題明儒應改先儒以歸一律又通禮無方孝孺位應從會典及祀孔典禮加入

先儒薛瑄之位 一百三十五

通禮薛瑄位在西應從會典及祀孔典禮東移

先儒胡居仁之位 一百三十七

先儒羅欽順之位 一百三十九

先儒呂柟之位 一百四十一

京師廟題明儒應改先儒以歸一律又通禮無呂柟位應從會典及祀孔典禮加入

先儒劉宗周之位 一百四十三

通禮劉宗周位在西應從會典及祀孔典禮東移

先儒孫奇逢之位 一百四十五

通禮無孫奇逢位應從會典及祀孔典禮加入

先儒黃宗羲之位 一百四十七

通禮會典皆無黃宗羲位應從光緒三十四年九月旨及祀孔典禮加入

先儒張履祥之位 一百四十九

通禮無張履祥位應從會典及祀孔典禮加入

建寧縣志

卷之六

學校

十九

先儒陸隴其之位 一百五十一

通禮陸隴其位在西應從會典及祀孔典禮東移

先儒張伯行之位 一百五十三

通禮無張伯行位應從會典及祀孔典禮加入

先儒湯斌之位 一百五十五

會典湯斌位在西應從通禮及祀孔典禮東移

西廡先儒三十七位

先儒穀梁赤之位 八十二

先儒高堂生之位 八十四

先儒董仲舒之位 八十六

通禮董仲舒位在東應從會典及祀孔典禮西移

先儒劉德之位 八十八

通禮無劉德位應從會典及祀孔典禮加入

先儒后蒼之位 九十

會典以此處為毛萇位而通禮會典皆以后蒼位在東應從祀孔典禮西移

先儒許慎之位 九十二

會典以此處為杜子春位而許慎位在東通禮則無許慎位應從祀孔典禮校正

先儒趙岐之位 九十四

通禮會典皆無趙岐位應從宣統三年三月旨及祀孔典禮加入

先儒范甯之位 九十六

會典以此處為諸葛亮位而范甯位在東應從通禮及祀孔典禮西移

先儒陸贄之位 九十八

會典以此處為王通位而陸贄在東通禮則無陸贄位應從祀孔典禮校正

先儒范仲淹之位 一百

會典以此處為韓愈位而通禮會典皆以范仲淹位在東應從祀孔典禮西移

先儒歐陽修之位 一百二

會典以此處為胡瑗位而通禮會典皆以歐陽修位在東應從祀孔典禮西移

先儒司馬光之位 一百四

會典以此處為韓琦位而司光位在東應從通禮及祀孔典禮西移

先儒游酢之位 一百六

通禮無游酢位應從會典及祀孔典禮加入又游酢位之前會典有楊時位應從通禮及祀孔典禮東移

先儒呂大臨之位 一百八

會典以此處為尹焞位而呂大臨位在東通禮則無呂大臨位應從祀孔典禮校正

先儒羅從彥之位 一百十

會典以此處為胡安國位而通禮會典皆以羅從彥位在東應從祀孔典禮西移

先儒李綱之位 一百十二

會典以此處為李侗位而李綱位在東通禮則無李綱位應從祀孔典禮西移

建寧縣志 卷之六

學校

二十

先儒張栻之位 一百十四

會典以此處為呂祖謙位在東應從會典及祀孔典禮西移

先儒陸九淵之位 一百十六

會典以此處為袁燮位而陸九淵位在東應從通禮及祀孔典禮西移

先儒陳淳之位 一百十八

通禮題陳淳會典題陳淳應從祀孔典禮改題為陳淳又會典以此為黃幹位而通禮會典皆以陳淳在東應從祀孔典禮校正

先儒真德秀之位 一百二十

會典以此處為輔廣位而真德秀位在東應從通禮及祀孔典禮西移

先儒蔡沈之位 一百二十二

通禮以蔡沈位在東應從會典及祀孔典禮西移

先儒魏了翁之位 一百二十四

通禮以魏了翁位在東應從會典及祀孔典禮西移

先儒趙復之位 一百二十六

會典以此處為王柏位而通禮會典皆以趙復位在東應從祀孔典禮西移

先儒金履祥之位 一百二十八

會典以金履祥位在東應從通禮及祀孔典禮西移

先儒陸秀夫之位 一百三十

通禮無陸秀夫位應從會典及祀孔典禮加入

先儒許衡之位 一百三十二

先儒吳澄之位 一百三十四

先儒許謙之位 一百三十六

先儒曹端之位 一百三十八

先儒陳獻章之位 一百四十

先儒蔡清之位 一百四十二

先儒王守仁之位 一百四十四

先儒呂坤之位 一百四十六

先儒黃道周之位 一百四十八

先儒王夫之位 一百五十

通禮吳澄位在東應從會典及祀孔典禮西移

通禮許謙位在東應從會典及祀孔典禮西移

通禮無曹端位應從會典及祀孔典禮加入

通禮王守仁位在東應從會典及祀孔典禮西移

通禮黃道周位在東應從會典及祀孔典禮西移

通禮會典皆無王夫之位應從光緒三十四年九月旨及祀孔典禮加入

建寧縣志 卷之六

學校

二十一

先儒陸世儀之位 一百五十二

先儒顧炎武之位 一百五十四

其下留一百五十六為先儒虛位 通禮會典皆無顧炎武位應從光緒三十四年九月旨及祀孔典禮加入

通禮無陸世儀位應從會典禮及祀孔典禮加入

以上前殿

崇聖祠殿內正位

肇聖王木金父公之位 中

裕聖王析父公之位 左

詒聖王防叔公之位 右

昌聖王伯夏公之位 次左

啓聖王叔梁公之位 次右

東配三位

先賢孔氏之位 配一

京師廟題孔孟皮應改題孔氏以歸一律又通禮無孔孟皮位應從會典及祀孔典禮加入

先賢曾氏之位 配三

先賢孟孫氏之位 配五

西配二位

先賢顏氏之位 配二

先賢孔氏之位 配四

東廡三位

先儒周氏之位 一

先儒程氏之位 三

先儒蔡氏之位 五

西廡二位

先儒張氏之位 二

先儒朱氏之位 四

通禮會典皆以此處為顏無繇位而曾點位在西  
應從祀孔典禮東移  
通禮會典皆以此處為孔鯉位而孟孫氏位在西  
應依祀孔典禮東移

通禮會典皆以此處為曾點位而顏無繇位在東  
應從祀孔典禮西移  
通禮會典皆以此處為孟孫氏位而孔鯉位在東  
應從祀孔典禮西移

# 建寧縣志

## 卷之六

學校

二十一

以上後殿

按兩廡從祀遵中華民國三年部頒新定位次

名宦鄉賢祠

明洪武元年詔天下儒學各建先賢祠左祀賢牧右祀鄉賢自成化年間改稱名宦鄉賢仍  
附近殿廡外誠以忠孝廉節得其一端皆足以希賢而希聖也故其祭亦得享於 文廟丁  
祭之日

名宦

宋

縣尉趙公紡夫

邑令宋公秉孫

縣尉馮公天驥

明

學使宗公臣

縣尹馬公昇

縣尹何孟倫

郡伯王逢元

知縣王 都

學使莊應會

司訓譚如桂

知縣江一桂

知縣吳 金

縣尹左光先

巡檢許 縉

教諭陳激衷

清

知縣溫光涵

防將李化龍

固山貝子寧海將軍福

巡撫李斯義

通議大夫王興禹

學使沈 涵

學使高日聰  
副使黃道行

總督范承謨  
知府張一魁

京堂金培生

鄉賢

唐

鎮將陳巖

宋

宣奉大夫謝調

吏部侍郎俞豐

處士李安期

元

孝子邱敬

明

工部都水司員外郎黃弼

吏部文選司員外余隆

工部主事吳綱

益陽教諭鄒大猷

清

太常少卿謝黻

開封府尹劉冀

司農少卿謝皓

理學劉剛中

孝子馮順德

孝子張子英

刑部主事李春熙

巡按御史張誠

寧波府同知徐大紳

楊州府推官李寧

戶部員外郎黃原昌

石阡知府余志

解元熊臣忠

歲貢陳大儀

廩生李祥賡

文昌閣

遂移閣於今所民國四年閣將圯邑紳徐先松首捐銀一百元餘由官紳募貲重修舊製五層高七丈今改為三層高四丈

# 建寧縣志

## 卷之六

### 學校

二十三

襄陵知縣謝國傑

咸陽知縣陳懋

解元熊臣忠

歲貢陳大儀

廩生李祥賡

文昌閣

即奎星閣俗呼八角樓倚城臨溪高踞青龍之首明邑令王都建雍正元年修學拆毀監生鄧大孔獨捐千金重修後改建於今勸學所光緒元年邑令柯掄創建義學

遂移閣於今所民國四年閣將圯邑紳徐先松首捐銀一百元餘由官紳募貲重修舊製五層高七丈今改為三層高四丈

附募修八角樓序凡縣皆有古蹟苟有古蹟皆宜保存非必奇異者也木末郵亭荒江老屋騷人韻士之過其間者皆有愛護之心推此類也烏在而不當保存縣治之南孔廟之東平地湧出有若浮圖者俗稱八角樓倚城臨江上摩霄漢樓製五層最上祀奎星周遭安鐵鈴數十每當午夜風清明月在天人影在地聞丁東聲輒令人悠然意遠在昔隆盛時歲當重九邑中士女頭插茱萸花不北趣登高山即南登斯樓仰遏行雲俯指飛鳥以爲笑樂郭外羣山萬壑田疇屋舍青林紅樹均歷歷在目洋洋乎大觀哉洵邑之古蹟也其宜保存爲何如惜也舊製以木歷年既久暴風甚雨嚴霜烈日以厄之而勢遂不支十年來屢議修葺均不潰於成至今日則岌岌其殆每當東南風作過者咸有戒心若不亟爲之所則既傾之後西之孔廟東之勸學所城牆大橋必有一不能倖免者前哲有言兩害相權取其輕嘗試權之與其再事遷延必至蒼黃莫措無寧今日事輕易舉其補救猶易於爲力臨渴而後掘井何如未雨而先綢繆天下事若緩而實急者此類是也夙稔邦

人士有深遠慮不道旁謀而保存古蹟之心尤盛用効將伯之呼以繼前人之武他日落成春秋佳日偕父老兄弟登樓憑眺南望鷄岑羊背大弋諸峯話無諸田獵大機卓錫往事更指點平疇綠野歌聶夷中賣絲羅穀剝肉醫瘡之詩俾子弟知稼穡艱難民生疾苦而作其勤儉之志於世道人心未必無小補也

**土地祠** 在文昌閣下祠祀韓文公乾隆二十年廣文連如璋重修後廢祠後有空地一所係貢生姜煥捐出

**儒學署** 在崇聖祠外左為教諭署右為訓導署訓導署有二一在聖廟西偏忠孝節烈祠後

**尊經閣** 在明倫堂後明天啓五年改建齋宿所今廢

**敬一亭** 明嘉靖年間勅建主壁敬一箴南向列壁程范二碑二十四年邑令何孟倫重修今廢

**神厨所 祭器庫 宰牲所 更衣亭 盥洗所** 以上俱缺

**書籍庫** 舊在 啟聖祠東今廢

**射圃** 洪武三年詔天下儒學闢射圃其令曰各儒學訓誨生徒每日講讀罷教學生習射于圃中朔望試過有司官閒暇時與學官一體習射凡射式射器射職射位俱載儀注建

邑射圃原在縣治北拱辰坊正德十一年丙子令周必復匾堂曰觀德東西為號房三十二楹嘉靖二十一年壬辰毀三十六年丁巳令孫大學謂近多寇警預備倉在城外水南

# 建寧縣志

## 卷之六

學校

二十四

非便請改倉于城內射圃而移射圃于水南後改育嬰堂射圃遂廢

**學田** 明嘉靖十年知縣江一桂置周坪磔下田五十二畝後收入於府二十四年知縣何孟倫申請仍歸於學又別置周坪安仁田一百零五畝四分又清歸朱世昌一作士昌私

占夜合山田五畝萬歷十五年知縣葛繼宋捐置鄉田曾喬開山保田八畝五分三十一

年因拓建尊經閣推官朱履儀知縣華士樽請於學使饒景暉撥周坪田四十三畝給丁士廉三十八畝給謝銘易其屋墓所存餘田後經改折解司清康熙二十一年總督姚啓聖捐銀四十兩知府張一魁知縣檀光燠各捐銀二十兩共置民田一十八畝四分收租四十六石五斗以贍貧士及科舉卷資並通立姚興儒戶名二十二年奉文將改折解司銀存學給廩生貧士雍正年間以舊存周坪田亦統附姚興儒戶下完糧嗣因周坪田地遠租逋邑人滄州知州徐時作以近縣田易之此外有園池屋店租銀又邑人鄒啓宣捐田九畝九分三釐租二十六石二斗六升姜煥捐四十畝零五釐租二十五石七斗三升二合邑令皇甫文聘捐田九畝四分五釐租二十五石五斗六升二合乾隆九年間徐時作捐出田八十四畝整計租二百一十六石二斗九升正其租石另刊行

附邑令檀光燠學田碑記今上御極之二十有二年太子少保督閩中丞姚公以平海事驛聞皇帝顧而樂之嘉乃不續一時議者咸比於裴晉公之平淮西云于是閩南人士莫不舉手加額交相慶曰海上失太平於今六十稔矣少保公招携懷遠推赤心置人腹中無亡矢遺鏃之患而一舉効順海波恬息灌燧銷鋒今而後喜可知也乃少保公之意豈



似重有憂者謂聞自龜山崛起黃蔡胡劉輩爲理學宗工至以政事文章表見者尤後先相望代有名人今士風稍稍弗振矣廉隅不謹城闕貽譏識者憂之然亦知所以致此之由乎慨目逆藩抗順兵革連年男子疾耕不足於糧餉女工勤織不給於旌旗士于此時救死扶傷之不暇何暇治禮義乎而且蒙首垢面露體塗足土也而農荷擔餽餉跣跣送戍士也而夫負戈守險執戟乘城士也而卒伍今日雖幸更生而富者貧貧者憊譬如勞人之暫得息肩而未遑果腹也夫學校者人才之本而衣食者禮義之原使武功競矣文教不興忝竊天子之大吏其安能無憂爰是從兵餉量籌之餘節縮得數千金分布八郡一州五十七縣之學校因其大小而次第分給之以贍貧士之無資者綏於樵人文爲最而縣次實殿例受若干兩購田若干畝另置一戶于首圖首甲之首曰姚興儒蓋從某縣之請而名于全閩者也爾多士其亦念興儒之意顧名思義從此興於家興於國興於天下上者爲理學名臣次亦麟炳於文章政事而少保公先憂後樂之志庶其稍慰綏雖小會當有起衰八代如昌黎伯其人者撰碑刻石以導揚少保公之休美歌頌今皇帝之文治被管絃而光史冊也少保公督閩凡七年大約以振興人材澄清吏治爲首務前是一年爲三載考績之期於二千石中特簡邵郡太守梅庵張公爲異等張公捐俸若干兩購田若干畝光燠亦勉捐若干兩購田若干畝董其事者本學教諭林君銓訓導何君應儀勲其事生員甯一聯例得并書其捐購土田價值之數在碑陰

社學 按社學之設明太祖原本周官詔天下每五十家設社學一所延有學行者訓迪軍民子弟尋革去止令有德行之人隨所在以十月開學臘月終止丁多有暇常教常讀者

# 建寧縣志

## 卷之六

### 學校

一二十五

聽至嘉靖六年禮部尙書桂萼奏建小學教民間子弟於習禮廳繪諸禮圖曰接子禮曰童子禮曰冠禮曰昏禮曰士相見禮曰子事父母禮曰婦事舅姑禮曰祀先禮曰鄉射禮曰舉一圖直示點畫令其通曉又次於句讀堂榜管子弟子職教圖示之亦曰講一圖次以小學孝經授數句粗熟卽已又次於書算堂榜六書法每日止教一兩字又次於聽樂堂或教以鼓節或教以詩歌或擊以魯鼓薛鼓之半以習投壺或擊魯鼓行之頒布天下建邑之奉行社學自嘉靖二十三年邑令何孟倫以社學爲入材根本始查官地蓋造及折毀淫祠改設共二十一所其後盡廢姑志其名與地俾留心學校者所稽攷也

東社學在縣署西街五顯廟右

南社學在城南長吉寺右今爲三忠祠

西社學在熊家嶺古三聖廟今爲店

北社學在城北門外社稷壇之左

水東社學在楓樹嶺迎恩亭之左

水南社學在水南射圃卽官倉之右今爲屋

長吉社學在長吉大坪

宏賢社學在周坪保橫田卽勾橋

楚上社學在楚上黃家坊

黃坊社學在永城一圖

唐面社學在永城二圖

安仁社學在安仁洋田

里心社學在里心中街

癸羊社學在癸羊亭子上

新城社學在新城侯家灣

興賢社學在黃溪二圖新興庵右

廣庠社學在黃溪一圖五王廟

藍田社學在藍田貫坊

客坊社學在客坊原申明亭址

淨安社學在淨安中坊路下

安吉社學在安吉蘆田

崇文社學

在楚上下保清嘉道間二堡公建捐貲延師每月課堡中生童制藝後咸同時匪亂遂廢餘貲給生童歲科試考費

隆文社學在安寅村人吳任賢倡首醴金買田數十畝歲延師以訓族之子弟今廢

義學二

一在縣治之左康熙四十年署縣徐之霖建撥東關橋租為館師束修召隣近生童入學四十四年署縣甘國瑁念館師俸簿捐俸買屯糧貳石四斗歲收租二十四石以資館師膏

# 建寧縣志

## 卷之六

### 學校

二十六

火糧存左所楊旭戶另立義學一戶錢糧此學久廢

一在東門城隍坊光緒元年邑令柯掄即奎星閣故址創建中為講堂前後房六間庖漏具備前左各有隙地種蒔花木

附邑令柯掄募修四門義塾序

其四門義學無攷序曰本朝儒術盛矣長老言乾隆四十年前士大夫家教子弟必先授朱子小學非必盡去利祿

也而必以小學者使知本根耳自詞章考据之學興譏訕朱子為寇讎而養正漸不講焉建甯儒術莫盛于乾隆朝其學非不尚考據詞章也非不為利祿也而士大夫重蒙學之師重小學之書尊信朱子不敢譏訕為寇讎也誌書所載祀鄉賢者登科第仕宦者在城鄉附郭為多不可驗儒術之盛歟自經咸豐已午兵禍以來而城郭凋殘此時非無佳子弟也救死不贍無暇及于養正也余承乏此邦念其衰而溯其盛以為挽回之責在于余于是捐廉為四門立小學義塾之基城郭温飽之家各宜量力捐貲助余共為挽回焉昔程純公令晉城立義塾暇則詣塾為兒童正句讀立科條使有勸有恥此余所願學也甯化盧瑞銀曾謂建塾而無師師延而無賞猶無塾也乃募勸贍師田二十二畝餘此温飽家所宜學也夫今日之佳子弟即他日之耆宿士大夫奉養正之師而尤以朱子為師既講小學而漸為利祿之學本根立而華實繼由是而考據而詞章而科第仕宦無不可者本朝儒術之盛將復于建甯見焉建甯儒術之盛將復于今日見焉余蓋拭目俟之又義學記曰義學不自建甯始也而于建甯為尤急何言之建甯夙稱人材淵藪經寇蕩然故

必以義學救之也其救之也奈何義學者使人相慕以義也貧者不能爲學使富者助之雖貧亦學矣富者能助人爲學其子弟必益競于學矣如此而人材猶患不振乎故籌建甯者莫此爲急余自蒞任以來熟察地方情形一意興立義學凡籌款經營竭盡心力城鄉各有村處有屢張告諭以勸之者有親臨其地以董率之者晝有營營此也夜有思思此也不可謂不急矣然而有應有不應或應之速而事仍無就緒吁何其難也去年春捐廉爲倡城內始立有一學今春益以樂捐四門始各立一學又于奎閣卽文昌閣舊基新築一館以爲四學總匯之所遠近頗覺響應聞風而興者不下十餘處余之急于圖功也如此夏四月新館落成值余卸篆將去同事者請一言以爲記余謂敬教勸學地方官責也何足記雖然凡物速成者多不堅牢此三年中余之悉力于此者亦已急矣今規模甫定而瓜期已及爲山九仞其有待于一簣之助者更當何如固宜書之以告與我同志者附移文爲移追整頓交盤成美事切敝縣前署建築觀風人不滿百亟興四門小義學延師培植貧家子弟當經舉人謝文藻黃思弼教職何兆晉爲勸首敝縣首捐廉二百爲倡日營夜思舌敝唇焦勸各殷戶彙捐錢一千零九十三千一百六十六文聘延職員謝壩就訓西門兼爲勸首董事收捐督工架買館舖適奉本府憲梁修署派邑捐銀三千八百兩敝縣以土瘠民貧忤意未得遵行致遭疑揭撤任紳董首士畏累獨謝壩急公尙義一意担当幸能歲事殊該邑劣生艾錫麟見事生風事平則又覬覦公項編摺霸收店租近聞串攻謝壩者甚衆切思自興義學以來代敝縣經營數載任勞任怨竭盡心力拮据功竣

# 建寧縣志

## 卷之六

學校

二十七

每歲薪水二十四千文因公晉省川費二十千文所存票款六十三千文無收館舖被水冲塌歇業師束無措勢將瓦解劣生等何以袖手旁觀仍係謝壩勸捐起會捐貲修復東門義學館師者儒楊瀚目擊不平故有謝去楊亦去之說雖忿語實公論也義學爲貧家子弟而設功令于書院而外載有明文凡府州縣莫不設立况建邑絃歌久歇尤爲緊要乎敝縣在任年餘匆卸篆未經詳報亦未經移交後任以致劣生等妄冀紛更現任以來以未經移交無從察辦茲聞謝壩告退楊瀚辭館敝縣雖不在其位但事已垂成究不忍坐視其敗謝壩始終爲義學干城即其訓蒙嚴勵實爲童蒙模範况其簿記明白神前算賬爲衆人所周知楊瀚今年八十五屹然爲上游名宿自經敝縣敦請爲義學館師馮學憲見其文敬禮甚渥丁中丞聞其名亦有餽贈茲以爲幼童之師猶大清師作猗猗王邑人方愧服之不暇猶忍攻之乎楊謝二人去留實爲義學興廢所系敝縣有經手之責是以不辭出位之嫌爲此備文將勸捐印簿一本交盤約契暨捐繳未清及票款清單一張一併具文移詣貴縣請煩查照來移事理吊察新舊奉冊出單諭止各店租錢均交董事手收勻送師束董俸不得藉口推欠飭拘艾錫麟等到案當堂押追霸收去應善才店租十餘千文歸還董事空虧會項川費吊銷私摺倘敢不遵會同儒學教官嚴訊整頓詳究其捐繳未清票款之家亦煩催迫入款足緝實誼敝縣原擬規條八則其中有未協之處務祈更正主章則義學長存貧童戴德敝縣如同身受不勝望切切至須至移者右移欽加同知銜署建甯縣正堂加十級紀錄十次朱光緒五年八月十九日移又致楊瀚書

曰海雲先生講座屢接手書未一肅覆非懶如稽康也子源空負義士之名不能解臧超之圍無詞以對也昔楚元王敬禮申公白生穆生後王醴酒不設穆生褰裳而去白生本受傭保之辱來諭似鑒于此然而餘生無幾白首何之僕既不在其位又不能爲長者畫一策每中夜起立寢饋不安固不專爲立學一事長留鴻爪計也憤懣之極方將效魯連蹈海之行適謝君仕堯來省面述詳細乃知風波之起總由縣官不理現任不理實由前任交代不清朱公既剴切言之其必有善後之政可知因與謝君籌畫數日除辦公文另函兼致縣官外特字佈知先生老而彌健天特留之碩果也寒暑不時尙祈珍重楮穎不盡俟謝光緒三年大水冲壞邑令劉珏重修附重修碑記古者治民先養而後教至秦而君面陳蕩然矣井田廢而凶荒莫備里塾廢而愚蠢莫開有心吏治者義倉而外尤當留意義學也考建甯於前明恃社學凡設廿一所易代而後基址並沒本朝雍正開詔天下郡縣立社學建邑報社師五名然有其名而無其實也迨後易社學爲義學別建於縣署之左終以堂舍湫隘館師俸薄不足聚生徒不久亦廢咸豐甲寅邑令馬君又續籌經費營一枝山地而建之館師膏火有資規制粗備奈遭粵匪竄擾焚燬爲墟而前置公費復半爲豪右乾沒興廢無常殆亦有數存乎其間耶今義學在城隅奎光閣左者前令柯君之所建也柯君同治癸酉蒞任慨然以作人爲務適紳士以奎光閣間不利移建於學署左側因其地建義學面山臨水屏絕囂塵恰爲講業之所釀金經營煞費苦心竣事後擇師主之都人士咸嘖嘖稱善乃不三年而壞於丁

## 建寧縣志

### 卷之六

學校

二十八

丑之洪水惜哉余忝繼柯君之任前有良法而任其淪棄毋乃貽守土羞爰諭紳士並葺之門堂庖福悉仍故制幸亦告厥成功夫書院爲課士論文之地義學爲訓蒙養正之基二者本相輔以有成也聞柯君設學以來士之受教於此因而蜚聲者頗不乏人非有明效乎今舊制既復邑弟子肄業其中師教以禮儀導以義理而又擇其秀良者加意造之俾得烝髦士於中田文教日興可拭目俟也而柯君創始之美意庶亦不負哉余不敏竊於教養之道畧有講求前捐置義倉以爲濟貧保富之計幸城鄉坊保漸次積儲可期有備無患矣足民而興以禮樂何必非于義學肇其端乎至于隨時保護勿使廢墜則仍望後之君子云爾是爲記

#### 書院五

一在縣西積善坊者曰濉溪書院正德間令周必復毀五顯廟改建中爲堂扁曰文會前爲門後爲廳寢房庖福皆備嘉靖四十六年毀隆慶初令皮志文重建萬曆十年張江陵當國用言官之請查革天下書院改爲公署後仍改爲五顯廟

一在縣東門外東山上者曰東山書院嘉靖十一年令江一桂購地創建堂廳室皆備又翌以兩廊爲號房各十六間以居學者買周坪保民田五十畝二分計租穀八十五石以東山書院起戶除納稅外尙該七十四石四斗以贍貧士至嘉靖十六年主簿劉正魁暗中爲廢寺田畝將穀變價至二十四年令何孟倫力請復歸於學迨後廢爲梵宇今爲徐何二姓別業

一在楚下保上坪坊曰東山書院嘉慶時楊方尹捐貲建延師月課本地生童詩文咸豐兵燹後遂廢今書院猶存

一在里心保曰登高書院清光緒三年里人江浴吳道鎔捐租創建光緒二十四年傾圮移上生寺今廢

一在北門拱辰坊曰濉川書院乾隆間邑令韓琮邑紳徐時作等創建附韓琮記畧曰按書院爲國家興賢育才

之所予甫下車卽詢廣文綏邑書院有幾云止一義學旋卽往視學中堂房狹隘日近市囂塵甚非所以爲教化地也因請合邑紳士會議擇地爲改建計邑紳徐筠亭素留心學校謂莫如北門朱文公祠宜地既僻靜基復高曠上下足資布置會同城文武往觀喜此地山環水繞星羅宿列實爲文明勝區遂延合邑有力紳士勸捐踴躍樂輸不二日得千金僉議舉有品貢生甯明章徐時軾謝人羣生員黃翰陳風李濤管工監生徐光旦斟酌繪圖定基擇吉興工閱八月告竣名曰濉川書院蒙撫台鍾公音錫以蓬瀛毓秀匾額又蒙道台陳公國華錫以秀蔚東山匾額並聯一首事詳徐筠亭記又重修書院記曰古者自辟雍類宮下至術序黨庠家塾莫不有學大司徒以三物教萬民鄉大夫受法於司徒而頒於鄉吏使各教其所治州長黨正族師皆以時讀法卽至閭胥亦常觸撻比長亦禁奇袤先王教民之道所以委曲詳盡而不憚其煩者凡以興教化美風俗故也後世於鄉學國學之外復示廣厲之意以補學校所未及則更有書院炎宋理學昌明振興文教書院尤多迨我國家重熙累洽

## 建寧縣志

### 卷之六

學校

二十九

久道化成由京師以逮省會都邑書院之設星羅碁布重道作人之意實超軼前代矣乙亥秋余承乏茲土竊意綏安亦樵郡形勝地濉溪之水清且漣金鏡鳳巘嵯峨而森列秀靈之所鍾英雋代接於踵而宋劉德言又爲紫陽夫子高弟講學鄉邦其流風餘韻宜長留于庠塾之間比下車首以書院爲問則鞠爲茂草已有歷年嗚呼子衿城闕之時母亦司土者所當深念歟爰進紳士而謀之且割俸爲倡于是諸紳士咸懽忻鼓舞競出其私橐以助謂舊址湫隘不足復興請擇坎隅之爽塏者更焉遂乃度材于山運甃于陶範金于冶梓人坊人各事其事不數月而厥功告成計爲堂若干楹疊舍若干間垣墉門廡以次具舉先是其地有徽國文公祠新而遷之講堂之上俾學者朝夕瞻仰儼若式憑于函丈而受耳提面命之益也夫經營措置使學者藏修游息有其地敬業樂羣有其人傳道解惑有其師是余之責也至若優游于詩書禮樂之途黽勉於修齊治平之業絃誦雍雍風俗丕變恍然如覩三代之隆而論秀書升屈指爲海內俊造淵藪是在此邦人士相與觀摩以無負余惓惓之厚望庶幾興作不爲徒勞後之君子當必有同心以保其勿壞者爰記落成之歲月以壽諸石乾隆二十三年戊寅季夏月記徐時作濉川書院碑記天下四大書院曰鹿洞曰嶽麓曰應天曰嵩陽自四大書院旣興而後世州郡縣各就其地建書院其在閩之建陽爲文公書院尤溪爲南溪書院而紫陽書院幾遍天下皆崇奉朱子以示趨嚮建邑自前明有東山濉溪二書院皆毀于兵火後遂無有起而復之者本朝康熙間別駕徐公之霖攝縣篆止建義學于縣署左地近囂塵堂室湫隘且膏火莫贍師生聚散靡常邑人士屢欲改建他所而難其地

乾隆二十年潞水韓公來宰茲土毅然以育才爲己任甫下車詢民生利病旋造義學見其頽垣破壁嘆嗟者久之迺延余至署議建書院余力贊之僉謀得地于西北門朱子祠旁卜之得吉咸曰允臧先是有西洋人設異教于此造天主聖母二堂至雍正間奏議毀拆放逐邪教邑侯皇甫文聘即天主堂改建朱子祠聖母堂改建郡守顏公祠又于祠側建倉廩貯穀以供祀事倉廩後廢顏公祠亦廢惟留門房數間又爲營兵所據朱子祠雖無恙而狹隘樸陋不足以安神靈韓公割俸併衆輸得銀若干兩木石有資爰卜吉興工經始于某年月逾年講堂夾室次第落成勝曰濰川書院升朱子神位于講堂後俾師生不時瞻仰左建倉廩廩上爲樓廩左爲小室橫向以通小街右自講堂西階下建顏公祠濬小池爲觀玩池前亘以大門門左造小室統計房室若干師生各有攸處神靈以安于是入其中竊然以深登其上曠然以明周迴上下歷落爽塏極一邑之勝余與韓公共樂其事之有成而爲後進者幸也雖然凡事必慮其可久苟徒侈耳目之觀而不有以善其後則無可繼終必至于壞敗如前此書院義學之設膏火乏資空名僅存無益于實豈所以計久長哉迺復僉謀捐租設法以垂永久而踴躍捐助者纍纍焉于是諸生膏火有資師長來脯有藉而無虞于難繼矣夫百年服教百年畏神豈一事哉濰川近朱子講學之鄉一望麻沙故里考亭舊居先儒之遺風未遠又得韓侯鼓厲振興教思無教有相與而勿替也已乾隆二十三年戊寅仲秋月今改爲高等小學校

## 建寧縣志

### 卷之六

學校

三十

勸學所在義學初附設濰川書院民國二年頒定勸學所章程始設今所爲一邑學務之總機關設所長一員勸學員若干員所內附設閱書報社

縣立高等小學校在北門拱辰坊即舊濰川書院光緒二十九年邑令陳侃倡設於東門舊義學內光緒三十年邑令劉裔經改遷今所光緒三十一年購買堂西偏民基爲體操場民國八年夏校長李夢庚因學級增加教室不敷分配請於知事吳海清籌款增建並商請本校教員范秀錦測繪籌畫一切以朱文公祠傾圮改建西式樓房一座樓下築教室二間樓上中建正廳崇祀朱子兼作教室左右築寢室四間樓外添購地基一片四面環以短垣以蓄植花木興工三閱月而告竣建築費約計千元內附設國民學校

國民學校 初名初等小學校民國四年改今名

一在東門城隍坊清光緒三十四年由邑人范秀錦甯 斌阮忠弼何嵩齡范毓桂等捐貲籌款即育嬰堂廢址建築宣統元年邑令李九盛開辦今停

第一區公立第一國民學校在水東夫人廟

第二國民學校在西門濰驛坊謝氏祠

第三國民學校在北門外下坊街

第四國民學校在南門興賢祠

第五國民學校在溪口青雲坊聶氏祠

第六國民學校在溪口戈家坊

第二區公立第一國民學校在東鄉永城保仍田

第三區公立第一國民學校在南鄉赤上保均口街

第二國民學校在南鄉都上

第四區公立第一國民學校在西鄉里心街

第二國民學校在西鄉富田保高圳

第三國民學校在西鄉客坊保

第五區公立第一國民學校在北鄉癸羊街

第二國民學校在北鄉安吉保盧田

第三國民學校在北鄉黃溪保楊林

學產

興賢祠 初邑人士所捐租曰興賢會蓋為宮牆學校而計至周且悉誠以一邑斯文所關甚鉅况修理宮牆尤宜預籌其費則臨時不至無措嗣於乾隆二十五年僉議建興賢祠徐時作先墊三百金備辦木石磚瓦給工價工興于季春三月落成於孟冬十月並製捐田諸公牌位迎入饗堂亦飲水思源激勸將來之意每歲春秋祭祀臨祭先期五日具簡邀請各姓子孫身係斯文者與祭飲福受胙又以查核租穀出入之數董事公正與否庶茲舉可以垂諸永久百餘年來其董事皆由邑令擇公正紳士充之兵燹以後生齒日熄田土荒蕪加以刁佃隱瞞賦額繁重遂令一邑盛舉無實有名祠無餘款光緒三十三年撥充小學堂經費

# 建寧縣志

## 卷之六

學校

三十一

本年無人管理遂由學堂庶務員代辦所望官紳設法整頓俾良法美意從茲消滅也所有祠內田畝土墩附刊公產志

灘川書院學田及鹽串底錢 清乾隆

年書院工竣首事徐時作等議聘名師掌教擇城

鄉有品好學生童二十名肄業四十四名與課每年所需束修膏火約費陸百金合邑紳衿耆老公議緩邑鹽務泉流最廣 憲准賣鹽殷實舖戶八十家多係紳衿子弟每計鹽一包賣錢貳千三四百文不等內有扣串十文除二文買串餘錢八文勸諸舖戶捐助書院膏火以公濟公實為不費之惠計算一年可得錢二百餘千衆商樂從各舖戶亦懽忻踴躍仰體父兄造就人才之意隨具愿捐公呈并遵依在案復勸城鄉各殷戶量力捐助田租三年以來共得田租陸百餘石又勸衆捐銀買田若干每年出息足符四百之數可以供書院師生束脩膏火之用迨後以鹽舖衆多徵收不便乃由公幫官運局扣撥自開辦學堂後此款遂撥充學堂經費每月支大洋二十七元民國元年鹽歸國有奉文裁汰陋規而此項鹽串底錢亦視若陋規提歸國有經范毓桂稟請挽回 附錄民國元年三月八號財政司諭飭鹽政學長范毓桂稟稱竊建甯高等小學校每年入款以公幫扣提鹽串底錢三百緡為大宗查該款於前清乾隆年間取諸本地子舖作為灘川書院生童膏伙載在縣志自小學興遂廢書院而歸諸校創捐之始當事者慮徵收之煩因訂永由鹽館扣付後公幫成立遂由公幫支領迄今百有餘年事款均出一轍無或更端損益該款本非公家所出實與一切陋規情形迥異似不可同歸裁減之條日前洋口特派調查員葉謂洋口局接准鹽政處劄開各外

局如有從前捐項不論何等公益均由地方自籌鹽務不得照捐一律裁撤等因竊思劄云裁撤之捐款當指局課而言此項係就地方之舖家捐充地方之學務既於局款無害又於公益有資如與他項糜費一概刪除學款大形棘手雖鹽政為國家財政所關因汰費反增扣捐之入款而學務亦國家政務所係欲施展反失經濟之來源彼益此損當非新政興財興學之初心等情業經商請鹽政處酌奪可否免裁以資維持在案茲准鹽政處商覆以該項鹽串底錢係取諸本地子店以供地方學費自與一切陋規不同業已仍前扣取隨課解省惟本處一切款項悉數解司不得由處支撥應請逕商照數發給等由准此查前項鹽串底錢既與陋規不同似可免裁照舊發給該學校為常費相應請煩查照核奪可否照發之處咨覆過司以憑核辦如准所請可否仍由公帮扣給以免解領之煩等因到司准此查鹽政處一切陋規概行裁撤惟該鹽串底錢係就地方舖家捐充學費既非陋規之比又屬課項無關自應飭由該公帮照舊代為扣給以重學務之費一面由該處立案永遠照辦除咨復教育司外合行諭飭該處迅即遵照立案辦理具覆切切此諭 民國二年鹽務局長趙鈞復私稟裁撤此項鹽串底錢遂於是年 月奉文裁去校長丁德彰稟請未准學堂經費每年遂遽短三百餘元殊可惜也所有當日樂捐鹽商十二家鹽舖八十家及捐租姓名暨田畝土垵另行 附錄合邑紳士火呈詞 具呈原任潯州府謝莘直隸滄州知州徐時作山東新城縣知縣朱仕琪順昌縣

## 建寧縣志

### 卷之六

學校

三十二

儒學教諭盧士超舉人甯鳳儀謝家纘李榮憲貢生黃度謝家修甯良驥廩生余學沅徐時雋增生陳風謝熙等為建立書院公捐膏火以宏作養事切惟三代造士首重學宮千秋育才歷興書院但賢能既資培植而教學尤需廩供恭逢老父臺一代儒宗羣倫師範下車伊始即懷造士之心布政以來更殷育才之意查舊有義學近於縣署囂塵原非習業之區欲新建書齋附入朱祠靜深方是講學之所因延合邑紳士共酌良規爰勸殷戶捐輸羣勸義舉秉彝好德人有同心奉上急公士無異議或五十金或百金樂書不倦或勸人出或已出喜納無慳擇五人以督工不用書役染指閱八月而告竣無煩庶民勞心美奐美輪實為綏山生色斯飛斯翼更同濉水流輝從此文風鵲起媲美鰲峯竚看科甲蟬聯爭衡鹿洞但弟子居業必需膏火之資先生傳經宜隆束修之禮獨捐殊覺不足眾助頗為有餘查建邑居民不下數十萬戶計歲運鹽額已有一千餘篷凡賣鹽一包扣串可得八文庶終歲積錢成數無差百貫抽毫氈上於商無累亦於民無虧取水海中於舖無侵更於學有益謀之士農工賈人人樂從商之城市鄉村戶戶情愿但事關礙政非經批示法難歷乎多年倘惠沐文壇幸准施行澤可流於奕禩將成人戴德咸奮志青雲小子啣恩悉盡心黃卷衡鑒不爽感題品於荊州樂育無方仰師資於吏部僉謀既合理宜具呈 批據呈各鹽舖情愿將賣鹽扣串底錢樂助書院師生膏火候行商查諭取具願捐遵依送核批示存案 附錄合邑鹽舖願捐遵依呈詞 具呈鹽舖萬新若等為仰承德化共樂捐輸事竊惟盛世崇儒多士振興於城邑 聖朝重學人文蔚起於澤宮奇逢憲臺蒞茲巖邑尊崇學校作養人才書院成



功廩供在所難缺師生肄業膏火尤須有資憲臺捐俸創興一邑長垂德澤合邑奉命襄助羣英永感裁培某等雖身膺舖戶樂沐春風而念切子孫欣瞻化雨自慚蠅頭求利不能驥尾奉公然父兄勸捐既有成議在子弟遵命甯忍或遺凡賣鹽一包願輸錢八文永奉先生東修長供弟子膏火將見教成白鹿八十家與有榮施學究紫陽百里內盡屬俊彥 憲臺造士之德當與金鏡並崇育才之恩更同濰水長流矣理合備具遵依切結呈請批准施行批凡賣鹽一包情願輸錢八文以資書院膏火俾盛舉勸成儒風丕振家戶絃誦商亦士也施之今者定食報於將來譬如蟻漿給於道路而美玉得於藍田耳披閱之下誠堪嘉尚准如所請其樂輸錢文即於本日交該商葛兆盛等查收登數候本縣傳請各紳士妥議成規通詳各憲附垂永久可也

義學田租店屋 光緒元年邑令柯掄勸捐計田一百四十八桶半店屋七間後撥充高等小學經費所有土墩及店屋坐落另刊行

鍾英祠 在西門籐長坊初名登俊祠光緒二十八年邑人丁濟生倡培英社以兵燹後祠廢附設於濰川書院之崇德祠內改其額曰鍾英崇德祠其創首者為清乾隆時邑人何燮工李居南等道咸間邑人趙奕光重興其入款為給生童川資之用科舉廢後改充高等小學經費計田租七百六十六石所有土墩另刊行

毓秀祠 在南門宏博坊乾隆二十八年何燮工何中鼎等創建統計捐人租谷五千二百四十餘桶前清時為給生童卷資川資之需科舉停後撥充高等小學經費其土墩租石佃人

## 建寧縣志

### 卷之六

學校

三十三

另刊行

育才祠 在北門乾隆丙辰元年邑人李居南欣子帝階等創建向為裱給生童卷資之用

培英社 附設濰川書院

即高等小學校

之五公祠內清光緒二十八年邑人丁濟生赴四鄉勸捐倡

建田租三千三百七十三石杉木山場三大嶂店屋三間其入款為歲科試代新籍學者送各學卯金之用每名每學十五兩縣學每學加送川資十元光緒三十三年停止考試各鄉捐戶盡數收回其在城堡之田租則收回者僅二三戶餘皆撥充高等小學堂經費其城堡土墩另刊行

教育分會 會所暫設於城南舊儒學署民國九年二月知事楊綬榮提倡成立  
工藝場 場所暫附設農會知事楊綬榮鑒於邑中工業廢弛國貨不振下車後亟圖挽救設  
法籌款是於民國九年二月成立經費指定船捐米釐二項開支

建寧縣志

卷之六

補遺

